

後
漢
書
疏
證

後漢書疏證卷二十八

吳 沈欽韓撰

上黨郡

水經注後漢分沾縣爲樂平郡地形志樂平郡後漢獻

帝置晉志云樂平泰始中置

元和志寰宇記皆從之

其并州總敘

又云建安二十年分上黨置樂平郡按文帝紀魏景元

四年封十郡爲晉公并州有樂平郡則郡非晉置

元和志晉

又別置

樂平縣按魏志管甯傳并州牧高幹表除鉅鹿張珩爲

樂平令則縣乃漢置非晉置

梁習傳習于上黨表置屯田都尉二人

長子

通典潞州長子縣漢舊縣

隋志後齊廢開皇九年置曰寄氏縣十八年改為長子

水經注濁漳水東逕長子縣故城南周史辛甲所封邑

也

元和志後魏風土記曰神農城在羊頭山上山下有神農泉即神農得嘉穀之所按劉昭于此縣引上黨

記及壺關三老令狐茂事皆當壺關縣下地形志壺關有令狐徵君墓是也

晉書符丕記慕

容永以丕至平陽恐不自固乃遣使求假道還東丕弗

許遣王永及符纂攻之以俱石子為前鋒都督與永戰

於襄陵王永大敗及石子皆死之丕之臣佐皆沒慕容

永永乃進據上黨之長子僭稱大號慕容盛記盛隨慕

容永東如長子謂叔父柔曰今崎嶇于鋒刃之間在疑

忌之際愚則為人所猜智則危甚巢幕當如鴻鵠高舉

一飛萬里不可坐待罟網也於是與柔及弟會間行東
歸于垂歲餘永誅儁垂之子孫男女無遺通鑑太元十
九年燕主垂進軍圍長子西燕主永欲奔後秦侍中蘭
英曰昔石虎伐龍都太祖堅守不去卒成大燕之基今
垂七十老翁厭苦兵革終不能頓兵連歲以攻我但當
城守以疲之永從之困急求救于晉魏晉魏兵皆未至
大逸豆歸部將伐勤等開門內燕兵燕人執永斬之以
宜都王鳳爲雍州刺史鎮長子

屯留

通典潞州屯留縣漢舊縣

隋志後齊廢開皇十六年復

水經注漳水

東逕屯留縣南又屈逕其城東故留吁國也竹書紀年

梁惠成王元年韓共侯趙成侯遏晉桓公于屯留

地形志

水自寄氏界來入濁漳因名交漳按水經注絳水西出穀遠縣東發鳩之谷又云漳水出鹿谷山與發鳩連麓而在南劉昭于長子縣既引山海經漳水出發鳩山復于此縣云漳水出鹿谷山叙致重複蓋當云絳水出鹿谷誤爲通鑑永嘉三年王彌劉聰共攻壺關太傅越遣漳水也

淮南內史王曠將軍施融曹超將兵拒聰等曠濟河欲

長驅而前融曰彼乘險間出我雖有數萬之眾猶是一

軍獨受敵也且當阻水爲固以量形勢然後圖之曠怒

曰君欲沮眾耶融退曰彼善用兵曠闇于事勢吾屬今

必死矣曠等于太行與聰遇戰于長平之間曠兵大敗

融超皆死聰遂破屯留長子

銅鞮

通典潞州銅鞮縣漢縣有閼與故城

地形志銅鞮縣有鳥蘇城寰宇記閼

與城今名鳥蘇城元和志斷梁城在縣東北三十里下臨深壑東西北三面阻澗廣袤六里俗謂之斷梁城晉銅鞮宮在縣東十五里水經注漳水厯鹿臺山與銅鞮水合水出

銅鞮縣西北石陞山

寰宇記石梯山在縣西北七十里

斷梁城卽故縣

之上虎亭也銅鞮水又東逕銅鞮縣故城北又東南流

逕須城西卽縣之下虎聚也

九域志襄垣縣有虎亭通鑑後周廣順元年潞州巡

檢陳思讓敗北漢兵于虎亭

沾

元和志并州樂平縣本漢沾縣晉置樂平郡于此又別

置樂平縣又儀州和順縣漢沾縣地隋開皇十年置隋志

和順舊沾嶺在樂平縣西三十里昔陽故城一名夕陽

城在縣東五十里實字記樂平山在縣東七十六里漢縣因山以名即古東山臯落氏之地

屬平水經注清漳水出大要谷南流逕沾縣故城東不

歷其西水經以為過縣西又南逕昔陽城又洞過水出沾縣北

山東流南屈逕受陽縣故城東按太康地記樂平郡有

受陽縣晉書石勒記烏丸張伏利度有眾二千壁于樂

平元海屢招不能致勒偽獲罪于元海因奔伏利度伏

利度大悅結為兄弟使勒率諸胡寇掠所向無前諸胡

畏服勒知眾心之附已因會執伏利度告諸胡曰今起

大事我與伏利度孰堪爲主諸胡咸推勒于是釋伏利

度率其部眾歸元海通鑑建興四年石勒圍樂平太守

韓據于沾城

沾卽沾
之訛

據請救于劉琨琨新得拓跋猗盧

之眾欲因其銳氣以討勒箕澹衛雄諫曰此雖晉民久

淪異域未習明公之恩信恐其難用不若且內收鮮卑

之餘穀外抄胡賊之牛羊閉關守險務農息民待其服

化感義然後用之則功無不濟琨不從命澹帥步騎二

萬爲前驅琨屯廣牧爲之聲援石勒聞澹至將逆擊之

或曰澹士馬精強其鋒不可當不若且引兵避之深溝

高壘以挫其銳必獲萬全勒曰澹兵雖眾遠來疲弊號令不齊何精強之有今寇敵垂至大軍一動豈易中還若澹乘我之退而逼之顧逃潰不暇焉得深溝高壘此自亡之道也立斬言者以孔萇爲前鋒都督令三軍後出者斬勒據險設疑兵于山上前設二伏出輕騎與澹戰陽爲不勝而走澹縱兵追之入伏中勒前後夾擊大破之澹雄率千餘騎奔代郡韓據奔城并土震駭石勒記據奔劉琨琨長史李弘以并州降于勒

涅

通典潞州武鄉縣漢涅縣

寰宇記冀州圖云涅城在縣西六十里

又儀州

遼山榆社平城三縣漢涅縣地

通典皆誤
涅爲垣

舊唐志遼山

縣魏改涅爲轅陽縣

按晉志涅縣屬上黨轅陽屬
樂平蓋是魏分涅爲轅陽

元和

志晉又分涅置武鄉縣

寰宇記晉于今榆社縣西北三
十五里置武鄉縣又五指山在

遼山縣東五十里上有一手一足之跡大如箕指數俱
全千畝源在縣東南三十二里地方千畝平原高腴人

利賴其

水經注涅水東逕涅縣故城南又東南武鄉水會

焉水源出武山西南逕武鄉縣故城西南得清谷口晉

書石勒記所居武鄉北原山下草木皆有鐵騎之象初

勒與李陽鄰居歲常爭麻地

地形志鄉縣有古麻池
石勒與李陽所爭池

送

相歐擊至是謂父老曰李陽壯士也何以不來漚麻是

布衣之恨孤方崇信于天下甯讐匹夫乎乃使召陽

襄垣

通典潞州襄垣縣漢舊縣

元和志井谷關在縣東南四十里置在天井谷深邃如井

因以爲名魏武初遷鄴于此置關

水經注銅鞮水南逕胡邑西又東屈

逕其城南東逕襄垣縣入于漳通鑑永嘉三年太守龐

涑以壺關降漢劉琨以都尉張倚領上黨太守據襄垣

建興三年漢大司馬曜攻上黨敗劉琨之眾于襄垣曜

欲進攻陽曲

劉琨時在陽曲

漢主聰遣使謂之曰長安末平宜

以爲先曜乃還屯蒲坂永和十一年上黨人馮鴛逐燕

太守段剛據安民城自稱太守遣使來降

地形志慕容儁時上黨郡

治襄垣縣安民城

壺關

通典潞州上黨縣漢爲壺關縣又壺關縣古黎國地後

魏移壺關縣于此

地形志董卓作亂郡治壺關城按晉志上黨本治潞縣亂後應亦治壺關

元和志開皇十六年分壺關置上黨縣大業二年省壺關併入上黨縣武德四年重置古壺關在黎城縣東二

十五里水經注漳水又東北逕壺關縣故城西又屈逕其

城北故黎國也縣在屯留東有黎亭

通鑑永興二年離石大饑漢王淵徙

屯離亭就

魏志高幹叛執上黨太守舉兵守壺口關遭

樂進李典擊之未拔十一年太祖征幹幹乃留其將夏

昭鄧升守城自詣匈奴單于求救不得獨與散騎亡欲

奔荊州上洛都尉捕斬之晉書石勒記時胡部大張胷

督馮突莫等擁眾數千壁于上黨勒往從之深爲所昵
因說匄督曰劉單于舉兵誅晉部大拒而不從豈能獨
立乎曰不能勒曰如其不能當有所屬今部落皆被單
于賞募往往聚議欲叛部大歸單于矣宜早爲之計匄
督等素無智畧懼部眾之貳乃潛隨勒單騎歸元海元
海以勒統其眾元海使劉聰攻壺關命勒率所統七千
爲前鋒都督劉琨遣護軍黃秀等救壺關勒敗秀于白
田秀死之勒遂陷壺關通鑑永嘉二年并州刺史劉琨
使上黨太守劉惔率鮮卑攻壺關漢鎮東將軍慕容
廆戰敗亡歸太和五年秦王堅復遣王猛督鎮南將軍楊

安等十將步騎六萬以伐燕猛攻壺關安攻進陽燕主
暉命上庸王評將中外精兵三十萬以拒秦猛先壺關
執上黨太守南安王越郡縣皆望風降附留屯騎校尉
苟萇戍壺關引兵助安攻晉陽

法氏

通典澤州高平縣漢法氏縣又臨川縣漢法氏縣地隋

開皇中置

隋志齊末併法氏入高平元和志長平故城在高平縣西二十一里白起破趙四十萬眾

于此竄宇記省冤谷東西南北各六十步在縣西北二十五里本名殺谷唐開元十年正月立宗行幸親祭改名省水經注絕水出法氏縣西北楊谷上黨記曰長平

城在郡之南秦壘在城西秦坑趙眾收頭顧築臺于壘

中因山爲臺崔嵬桀起今仍號之曰白起臺晉書劉淵
記遣建武將軍劉曜寇太原法氏屯留長子中都皆陷
之

高都

元和志澤州晉城縣本漢高都縣開皇十八年改爲丹
水縣貞觀三年改置晉城縣天井關在縣南四十五里
太行山上水經注丹水出高都縣故城東北阜下俗謂
之源源水白水出高都縣故城西所謂長平白水也東
南流厯天井關太元十五年晉征虜將軍朱序破慕容
永于太行遣軍至白水去長子百六十里

寰宇記白水
在縣南二里

晉書王彌傳永嘉初寇上黨圍壺關東海王越遣淮南
內史王曠安豐太守衛乾等討之及彌戰于高都長平
間大敗之死者十六七慕容垂記垂進師入自天井關
至于臺壁

潞

通典潞州潞城縣漢舊縣又黎城縣漢潞縣地

地形志襄垣郡

刈陵縣漢曰潞縣有臺壁隋志潞城縣開皇十六年置
又黎城縣後魏以潞縣被誅遣人置十八年改名黎城
寰宇記三垂山在潞城縣西南二十七里劉聰遣將喬
琮攻晉上黨太守龐和于壺關敗之于三垂又冀州圖
云潞縣西三十里黃阜山有城亦名黃沙水經注漳水
嶺劉聰將綦毋劓敗晉將崔恕于黃阜

逕潞縣南本潞子所立也世名之爲臺壁漳水左合黃

須水口水出臺壁西張諱岩下世傳岩赤則土罹兵害
恆以石粉汙之令白俗目之爲張諱岩晉書石勒記劉
琨司馬溫嶠西討山胡勒將遂明要之敗嶠于潞城通
鑑太和五年太傅評屯于潞川以王猛懸軍深入欲以
持久制之評爲人貪鄙障錮山泉鬻樵及水積錢帛如
巳陵士卒怨憤莫有關志猛聞之笑曰慕容評真奴才
雖億兆之眾不足畏況數十萬乎乃遣游擊將軍郭慶
帥騎五千夜從間道出評營後燒評輜重火見鄴中燕
主暉遣侍中蘭伊讓評曰王高祖之子也當以宗廟社
稷爲憂奈何不撫戰士而椎賣樵水專以貨殖爲心乎

府庫之積朕與王共之何憂于貧若賊兵遂進家國喪亡王持錢帛欲安所置之乃命悉散之軍士且趨使戰評大懼遣使請戰于猛猛陳于渭源而誓之

載記同誤爲渭源通

典作潞源當是

望燕兵之眾謂鄧羌曰今日之事非將軍不能

破勅敵成敗之機在茲一舉羌曰若能以司隸見與者公勿以爲憂猛曰此非吾所及也必以安定太守萬戶侯相處羌不悅而退俄而兵交猛召羌羌寢不應猛乃就許之羌乃大飲帳中與張蚝徐成等跨馬運矛馳赴燕陳出入數四旁若無人所殺傷數百及日中燕兵大敗俘斬五萬餘人乘勝追擊所殺及降者又十餘萬人

評單騎走還鄴太元十九年西燕主永聞燕主垂軍至
嚴兵分道拒守聚糧臺壁遣從子征東將軍小逸豆歸
鎮東將軍王次多右將軍勒馬駒帥眾萬餘人戍之垂
頓軍鄴西南月餘不進永恠之以爲太行道寬疑垂欲
詭道取之乃悉歛諸軍屯軹關杜太行口惟留臺壁一
軍燕軍至臺壁永遣從兄太尉大逸豆歸救之平規擊
破之小逸豆歸出戰遼西王農又急破之斬勒馬駒禽
王次多遂圍臺壁永召太行軍還自將精兵五萬拒之
垂陣于臺壁南遣驍騎將軍慕容國伏千騎于澗下與
永合戰垂僞退永眾追之行數里國騎從澗中出斷其

後諸軍四面俱進大破之斬首八十餘級永走歸長子

猗氏

元和志晉州冀氏縣漢猗氏縣地

寰宇記漢猗氏縣故城在今縣北三十五

里按地形志上黨有猗氏縣又割平陽置冀氏郡漢志屬河東之猗氏唐之蒲州猗氏縣也其屬上黨者應為猗氏作

水經注沁水南逕猗氏縣故城東劉聰以詹事

魯繇為冀州治此沁水又南歷猗氏關又南與鴈鵠水合水出東北巨驂山乘高瀉浪觸石流響世人因聲以

納穉

陽阿

元和儀州遼山縣後漢于此置陽阿縣

晉志有武鄉無陽阿疑并入武

鄉水經注沁水南逕陽阿縣故城西魏土地記曰建興

郡治陽阿郡西四十里有沁水南流地形志慕容永分上黨置建興郡

穀遠

通典沁州沁源縣漢穀遠縣又晉州岳陽縣漢穀遠縣

地元和志沁州和川綿上二縣本穀遠縣地今沁源縣南百五十里孤遠故城是語音訛轉故以穀為孤沁

水一名少水出綿上縣東南二十四里覆甌山左傳齊侯伐晉封少水為京觀地形志義甯縣郡治孤遠城

水經注沁水即涅水也或言出穀遠縣羊頭山世靡谷

三源奇注逕瀉一隍又南會二水厯落出左右近溪參

差翼注晉書惠帝紀元康四年匈奴郝散反攻上黨殺

長吏江統傳統徒戎論曰近者郝散之變發于穀遠

太原郡

晉志靈帝末羌胡大擾定襄雲中五原朔方上郡等五

郡並流徙分散建安十八年省并州入冀州

按太原爲刺史治所

二十年始集塞下荒地立新興郡元年復置并州自陁

嶺以北並弃之

按此但空其地不居耳至晉永嘉劉琨始以昇猗盧

地形志永安

郡後漢建安中置新興郡

按郡治在太原陽曲縣魏志改太原郡爲太原國

晉陽

通典太原府太原縣漢晉陽縣地隋文帝移晉陽縣于

州城中舊晉陽置今縣

隋志太原舊曰晉陽又晉陽縣後齊置曰龍山開皇十年改元

和志此前晉陽縣理州城中高齊河清四年移晉陽縣于汾水東今太原縣理是也武平六年于今晉陽縣理

置龍山縣因縣西龍山為名隋廢龍山縣移晉陽縣理之今太原府有三城府及晉陽縣在西城太原縣在東城汾水貫中城南流按中城即大明城古晉陽城也寰宇記皇朝平偽漢其太原城中晉陽太原二縣並廢為平晉縣移并州于三交塞陽曲縣界太原舊城並從毀廢按陸游筆記太平興國四年徙并州于榆次今太原則又非榆次乃三交城也城在舊城西北三百里平太原後三年帥潘美奏乞為并州從之又交城

縣有羊腸山隋改為深谷嶺元和志本晉陽縣地開皇十六年分置羊腸山在縣

東南五十三里石磴縈委若羊腸後魏于此立倉上黨壺關亦有羊腸故不謂此也按水經注汾陽縣後立屯

農積粟在斯謂之羊腸水經注魏土地記曰城東有汾倉山在晉陽西北即此

水南流水上舊有梁青荇殞于梁下豫讓死于津側又

晉水出晉陽縣西懸甕山昔智伯退晉水以灌晉陽其

川上泝後人踵其遺跡蓄以為沼沼西際山枕水有唐

叔虞祠水側有涼堂結飛梁于水上左右雜樹交蔭希
見曦景晉川之中最爲勝處又洞過水西入于汾出晉
水下口劉琨之爲并州劉曜引兵逆擊之合戰于洞過
卽是水

地形志同過水出木瓜嶺口水合道故曰同過按後此口訛爲銅鍋河

魏志梁習

傳并土新附習以別部司馬領并州刺史時乘高幹荒
亂之餘胡狄在界兵家擁眾更相扇動習到官誘諭招
納皆禮其豪右稍稍薦舉使詣幕府豪右已盡乃次發
諸丁強以爲義從吏兵已去之後稍移其家前後還鄴
凡數萬口其不從命者興兵致討斬首千數降附者萬
計單于恭順部曲服事同于編戶晉書劉琨傳時東瀛

公騰自晉陽鎮鄴并土饑荒百姓隨騰南下餘戶不滿
二萬寇賊縱橫道路斷塞琨募得千餘人轉鬪至晉陽
府寺焚毀僵尸蔽地寇盜互來掩襲恆以城門爲戰場
百姓負楯以耕琨撫循勞來甚得物情琨善于懷撫而
短于控御一日之中雖歸者數千去者亦以相繼琨殺
令狐盛盛子泥奔于劉聰具言虛實聰大喜以泥爲鄉
導屬上黨太守襲琨降于聰通鑑作龐清事在永嘉三
年與劉粲陷晉陽在永嘉
六年者事鴈門烏丸復反琨親率精兵出禦之聰遣子
粲及令狐泥乘虛襲晉陽太原太守高以郡降聰琨父
母並遇害

劉聰記琨與左右數十騎攜其妻子奔于趙
郡之亭頭遂如常山告敗于猗盧且乞師猗

盧遺子曰利孫賓六須及將軍衛雄姬澹等率眾數萬
攻晉陽倚盧率眾六萬至于狼孟曜及賓六須戰于汾
東曜墜馬中流矢身被七創討虜傅武以馬授曜曜曰
當今危亡之極人各思免吾創已重自分死此武泣曰
天下何可一日無大王于是扶曜乘馬驅令渡汾迺而
戰死曜入晉陽夜與劉粲等掠百姓踰蒙山遁歸元和
志蒙山在太原
縣西北十里
慕容備記張平跨有并州之地壘壁三

百餘胡晉十餘萬戶遂拜置征鎮爲鼎峙之勢備遣其
司徒慕容討平平所署征西諸葛讓等率壘壁百三十
八降于備備大悅復其官爵平率眾三千奔于平陽符
堅記王猛會楊安攻進晉陽爲地道遣張蚝率壯士數
百人入其城中大呼斬關猛安遂入晉陽執暉并州刺
史慕容莊符丕記幽州刺史王永平州刺史符冲頻爲

垂將平規等所敗率眾三萬進屯壺關遣使招丕丕乃
去鄴率男女六萬餘口進如潞川驃騎將軍張蚝并州
刺史王騰迎之入據晉陽始知堅死問舉哀于晉陽丕
留王騰守晉陽楊輔成壺關率眾四萬進據平陽通鑑
太元二十一年魏軍至陽曲乘西山臨晉陽遣騎環城
大譟而去燕遼西王農出戰大敗奔還晉陽司馬慕輿
嵩閉門拒之農將妻子率數千騎東走魏中領將軍長
孫肥追之及于潞川獲農妻子燕軍盡沒

界休

通典汾州界休縣漢舊縣

昭餘祁俗名鄔城泊
按刊本誤鄔爲鄔

又靈石

縣漢介休縣地有高壁嶺雀鼠谷汾水關皆險固之處

通鑑義帝元年唐公淵入雀鼠谷軍賈胡震宇記靈石

堡元和志雀鼠谷在介休縣西十二里縣隋開皇十年因巡幸傍汾開道取其平直得石文曰

大道好吉因分置此縣賈胡堡在縣南三十五里舊唐書高

祖紀師次靈石水經注綿水出界休縣之綿山北流逕

縣營于賈胡堡石洞寺西卽介之推之祠也西流注于汾水又西南逕

界休縣故城西城東有徵士郭林宗宋子浚二碑元和志郭

林宗墳在縣東三里周武帝時汾水右有左部城側臨

除天下碑惟林宗碑詔特拜汾水蓋劉淵爲晉都尉所築也汾水又南過冠爵津在

界休縣西南俗謂之雀鼠谷數十里間道險隘水左右

悉結編梁閣道纍石龍路上戴山阜下臨絕澗俗謂之

爲魯般橋晉書劉淵記劉景要擊并州刺史劉琨于版

橋爲琨所敗琨遂據晉陽寰宇記介休縣有版橋按版橋疑卽魯般橋

榆次

通典太原府榆次縣漢舊縣元和志後魏太武省入晉陽宣武帝復置高齊省自

今縣東十里移中都縣理之隋又改爲榆次又清源縣漢榆次縣地隋于古

梗陽城置寰宇記大業初省入晉陽武德元年重置梗陽故城在今縣南一百二十里元和

志壽陽縣本漢榆次縣地西晉于此置受陽縣馬首故城在縣

東南十五里水經注汾水又南卽洞過水會者也洞過水又

西與原過水合近北便水源也水西阜上有原過祠西

過榆次縣南側水有壑臺韓魏殺智伯瑤于其下又西南流逕武灌城西北盧諶征艱賦曰逕武館之故郭問厥塗之遠近洞過水又西南爲浮湖謂之洞過澤晉書劉聰記劉粲劉曜等攻劉琨于晉陽琨使張喬距之戰于武灌喬敗績死之通鑑永嘉六年猗盧追劉粲等戰于藍谷漢兵大敗禽劉豐斬邢延等三千餘級伏尸數百里因大獵壽陽山陳閱皮肉山爲之赤

中都

元和志中都故縣在榆次縣東十里汾州平遙縣西十二里漢文帝爲代王都于此高齊移于廢榆次城

隋志榆次

後齊日中都水經注侯甲水西北逕中都縣故城南城臨際

水渭侯甲水又西合于嬰侯之水

于離

晉志有此縣元和志大于城在文水縣西南十一里本

劉元海兄延年鎮胡語長兄爲大于因以爲名或卽于

離故縣又按魏分太原置西河郡則匈奴劉淵所都離石非漢之西河離石應在于離縣地劉淵

記元海至左國城劉宣等上單于之號二旬之間眾已

五萬都于離石二年東瀛公騰遣司馬瑜周良石鮮等

討之次于離石汾城元海遣其武牙將軍劉欽等六軍

距瑜等四戰瑜皆敗欽振旅而歸

茲氏

元和志汾州西河縣本漢茲氏縣曹魏于此置西河郡
晉改茲氏爲隰城上元元年改爲西河縣又孝義縣本

漢茲氏縣地曹魏移西河郡中陽縣于今理永嘉後省

入隰城

八門城在西河縣北十五里劉元海遣將喬嵩攻西河築營自固營有八門因名

水經

文水又南逕茲氏縣故城東爲文湖東西十五里南北

三十里世謂之西河

寰宇記引此有泊字

文湖又東逕中陽縣故

城東

按此晉移中陽縣于太原茲氏非舊縣

文水又東南流與勝水合水

西出狐岐之山東逕六壁城南魏朝舊置六壁于其下

防離石諸胡因爲大鎮

寰宇記在孝義縣西八里

又原公水出茲氏

縣魏黃初二年分太原復置西河郡晉徙封陳王斌于
西河故縣有西河繆王司馬于政廟碑文云西河舊處
山林漢末擾攘百姓失所魏興更開疆宇分割太原四
縣以爲邦邑晉志四縣離石陽中陽介休也中陽在茲氏縣則離石非舊可知劉淵記
太康中改置五部都尉左部居太原茲氏右部居祁南
部居蒲子北部居新興中部居大陵雖分居五部然皆
家于晉陽汾澗之濱

狼孟

通典漢狼孟縣故城在太原府陽曲縣東北

元和志縣東北三十

里大水經注洛陰水又西逕猛孟縣故城南左右夾澗幽

深南面大壑俗謂之狼馬河舊斷澗爲城有南北門門
闕故壁尙在

鄔

按其地當在大陵縣南平陶縣北水經注汾水于大陵
縣左迤爲鄔澤嬰侯之水逕鄔縣故城南謂之鄔水俗
亦曰慮水地形志鄔縣有慮水入區夷澤

孟

通典太原府孟縣漢舊縣元和志按前此孟縣在今孟縣西南陽曲縣東北八十里
故孟縣城也後魏省入石艾縣隋分不置艾原仇縣水
大業二年改爲孟縣故城本名原仇城亦名公由城水
經注洛陰水出新興郡西流逕洛陰城北又西逕孟縣

故城南晉書懷帝記永嘉六年猗盧自將六萬騎次于

孟城

劉聰載記作狼孟

平陶

元和志汾州平遙縣本漢平陶縣地魏以太武帝名嘉

改爲平遙

寰宇記漢平陶縣城在文水縣西南二十五里

水經注文水又南逕

平陶縣故城東西逕其城內南流出郭又南右會隱泉
口北史道武皇始元年詔輔國將軍奚牧略地晉川獲
慕容寶丹陽王買德等于平陶城

京陵

通典汾州隰城縣有漢京陵縣

元和志漢京陵縣故城在平遙縣東七里地形

志平遙縣有京陵城水經注大谷水又西經京陵縣故城北于春

秋爲九原之地漢興增陵于其下故曰京陵

陽曲

通典太原府陽曲縣漢陽曲縣今忻州定襄縣也後漢

移置今縣

元和志後漢末移于太原縣北四十五里陽曲故城後魏又移于今縣南四里陽直故城

開皇三年改爲陽直縣十年又移于今縣東北四十里汾陽故縣十六年改陽直縣爲汾陽縣煬帝又改爲陽直縣移理木井城今縣理是也東魏築城中

有井以木爲甃因名之按宋太原府治此

元和志忻

州秀容縣本漢陽曲縣地後漢末于此置九原縣屬新

興郡後魏莊帝于今縣東十里置平寇縣隋移置秀容

縣寰宇記秀容成卽漢汾陽城縣元海所築元海因感神而生姿容秀美故自大其城在嵐州宜芳縣西南

三十里按水經注汾水南逕秀容城東魏土地記曰秀容胡人洗居之立秀容護軍治此秀容之名似非關劉元海

水經注汾水南逕汾陽縣故城東又南逕秀容城東東南流洛陰水注之水出新興郡西流逕洛陰城北

志陽曲縣有羅隱城西逕孟縣狼孟縣故城南又西南逕陽曲城

北魏土地記曰陽曲胡寄居太原界置陽曲護軍治注

于汾水此陽曲城卽後漢末移于太原縣北者也以地望推之則後此陽曲皆在漢汾陽縣地故元和

志云嵐州爲漢之汾陽縣地水經汾水所出之管涔山在靜樂縣北一百三十里其地界甚廣後漢蓋省汾陽

入陽曲也然水經非前漢人所作仍云汾陽不解劉聰記劉琨收合離散保于

陽曲猗盧戍之而還劉琨傳又云移居陽邑城劉曜進師將攻陽曲

聰遣使謂曜曰長安擅命國家之深恥也公宜以長安

爲先陽曲一委驃騎通鑑太元十九年慕容永告急于
魏魏王珪遣陳留公虔將軍庾岳帥騎五萬東渡河屯
秀容以救之按此當爲南秀容北史爾朱羽健所封則爲北秀容北史爾朱榮傳
道武初以南秀容川原沃衍欲令羽健居之羽健曰家
世奉國給侍左右北秀容旣在剡內差近京師豈以沃
瘠更遷遠地舊唐志後漢末移陽曲于太原界乃于陽曲古城置定襄縣按此則晉之陽曲已非漢舊其南秀容實故陽曲縣
地魏置陽曲護軍乃在此

大陵

元和志太原府文水縣本漢大陵縣地

地形志受陽縣有大陵城隋志

文水舊曰受陽開皇十年改襄宇

水經注昔趙武靈王

記漢大陵縣在今縣北十三里

游大陵夢處女鼓琴而歌想見其人吳廣進孟姚卽于此縣文水逕大陵縣故城西南流有祕水注之縣西南山下武水穿井給養井至幽深後一朝水溢平地魏志徐晃傳討太原反者圍大陵拔之斬賊帥商曜劉淵記東瀛公騰使將軍聶玄討劉淵戰于大陵玄師敗績

祁

通典太原府祁縣漢舊縣温序墓在西北

隋志後齊廢開皇中復

元和志漢祁縣故城在今祁縣東南五里水經注侯甲水發源祁縣胡甲山有長坂謂之胡甲嶺卽劉歆遂初賦所謂越侯甲而長驅者也

慮虎

通典代州五臺縣漢慮虎縣隋改慮夷爲五臺

隋志五臺舊曰

慮虎久廢後魏置曰驢夷地形志永安郡驢夷縣漢曰慮虎按晉志無慮虎當併入新興郡魏書鐵弗劉虎傳居于新興慮虎之北

陽邑

元和志太原府太谷縣本漢陽邑縣地今縣東十五里陽邑故城是也水經注洞過澤南涂水注之水出陽邑東北大嶰山涂谷西南逕蘿磨亭南與蔣谷水合魏土地記曰晉陽城東南百十里至山有蔣谷大道度軒車嶺通于武鄉水自蔣溪西北流逕箕城北杜預釋地曰

城在陽邑南水北卽陽邑縣故城

補慮虜魏書太武神麴元年并周胡酋卜田謀反伏誅
餘眾不安詔淮南公王倍斤鎮慮虜撫慰之

上郡

晉志魏省元和志魏省上郡其地至晉爲戎狄所居又
云秦上郡城今綏州理東南五十里上郡故城是也自
後漢末已荒廢年久俗是稽胡及赫連勃勃都于統萬
上郡之地爲赫連部所居後魏屬統萬鎮按元印志于
鄜延綏諸州
皆詣上郡漢爲某縣地獨于丹州只云上郡而坊州又
不以爲上郡地蓋經後漢省并遷移有不能言者矣

膚施

通典延州膚施縣漢舊縣又延安縣漢膚施縣地

元和志廣

德二年改爲延長

又綏州龍泉縣漢膚施縣地後魏置上縣又

城平縣漢膚施縣地後魏置

元和志疏屬山亦名雕陰山劉向據山海經以對者

也無定河一名奢延水白銀州撫甯縣界流入吳兒城在縣西北四十里赫連勃勃破劉裕子義真于長虜其

人築此城以居之號吳兒城

水經注奢延水又東逕膚施南走馬水

注之水出西南長城北陽周縣故城南橋山昔二世賜

蒙恬死于此段熲追羌出橋門至走馬水聞羌在奢延

澤卽此處門卽橋山之長城門也苻堅載記匈奴右賢

王曹轂死分其部落貳城以西二萬餘落封其長子璽

爲駱川侯貳城以東二萬餘落封其小子爲力川侯故

號東西曹赫連記勃勃掠平涼雜胡七千餘戶以配後
軍進屯依力川

按水經注洛川在奢延南寰宇記長城在綏州西十五里大力川所謂駱川力川者應在此

白土

地形志新平郡有白土縣云故屬上郡元和志後魏于
今邠州新平縣西南十里陳湯原上置白土縣則非上
郡舊縣

漆垣

奢延

按其地當在夏州朔方縣南水經注奢延水出奢延縣
西南赤沙阜俗因縣土謂之奢延水又謂之朔方水赫

連于是水之北黑水之南

黑水出奢延縣黑澗

改築大城名曰統

萬城蒸土加功雉堞雖久崇墉若新則今夏州治也

地形

志夏州始光四年平爲統萬鎮治大夏化城郡有萃融復緣二縣元和志後魏更置岩緣縣貞觀二年改爲朔方縣復緣一作岩緣也按此統萬城應在奢延縣界而唐之朔方縣亦是上郡奢延縣地由後來朔方上郡之郡縣都廢故混而爲一通以夏州當朔方元和志旣云奢延水卽無定河出縣南百步勃勃于此築統萬城而不引鄜元注爲謠則猶沿傳習之誤耳

雕陰

通典鄜州洛交直羅二縣漢雕陰縣地

元和志今洛交縣北三十里雕

陰故城是也又直羅城枕羅原水其川平直故名直羅城武德三年于此置縣又甘泉縣武德元年分洛交縣于伏陵城置縣天寶元年改爲甘泉縣雕陰縣城在縣南四十里按地形志北華州治杏城領中部數城二

郡敷城則唐之鄆州中部則坊州杏城鎮在坊州治所
七里是坊州亦上郡地元和志晉陷戎羯不置州郡苻
姚置杏城鎮後魏改爲北華州姚興記姚詳時鎮杏城
後改鄆州則杏城亦在鄆州爲赫連勃勃所逼糧盡委守南奔大蘇勃勃要之兵敗
爲勃勃所執時遣衛大將軍顯迎詳詳敗遂屯杏城赫
連記又攻姚興將姚于杏城二旬克之執達及其將姚
大用姚安和等坑戰士二萬人按東晉時有兩杏城升
平元年姚襄自北屈進
屯杏城此則一杏城地形志澄城縣有杏城爲漢馮翊
徵縣之地姚秦時以安定爲重鎮勃勃擾秦在嶺北中
間尙隔安定此杏
城應在雕陰也

楨陵

按彪志脫故屬雲中水經注河水南入楨陵縣西北緣

胡山歷沙南縣東北兩山二縣之間而出縣在山南

定陽

元和志延州門山縣本漢定陽縣地按地形志東夏州有定陽郡領臨戎臨真二縣是漢上郡之定陽水經注河水南合黑水水出定陽縣西山逕其縣北右合定水俗謂之白水水西出縣南山定水谷赫連記左將軍羅提率步騎一萬攻興將姚廣都于定陽克之坑將士四千餘人以女弱爲軍賞

高奴

通典延州臨真金明二縣漢高奴縣地元和志豐林延

昌敷政三縣皆漢高奴縣地今延州理卽上郡高奴縣

之城孝文帝置金明郡廢帝改爲延州

按地形志夏州金明郡乃太武

眞君十二年置水經注清水又東得龍尾水口水出北地神泉

障北山龍尾溪東北流注清水又東逕高奴縣合豐林

水地理志謂之消水也水上有肥可接取用之

元和志消水俗

名去斤水水肥亦所在有之非止高奴縣消水也民俗語訛

謂之高樓城豐林川長津瀉注北流會清水

元和志豐林縣後魏

孝文帝置廣武縣屬偏城郡在今理東西
十里周宣帝改爲豐林按縣名取川名也

龜茲屬國

水經注帝原水西北出龜茲縣東南流縣因處龜茲降

胡著稱按前志龜茲縣屬國都尉治此屬國二字疑是因前志誤黏連

侯官

西河郡

元和志前漢領縣三十六里富昌縣後漢徙理離石獻帝末荒廢黃初二年乃于漢茲氏縣置西河郡和帝永年復置石校尉官東觀書曰在西河鵠澤縣

離石

通典石州離石縣漢舊縣後漢南單于庭左國城在此元和志離石山今名赤洪嶺高歡大破爾朱兆于此處以平夷定胡方山四縣皆漢離石縣地水經注

河水又南得離石水口水出離石北山南流逕離石縣

故城西後漢西河郡治又南出西轉逕隰城縣故城南

胡俗語訛尙有干城之稱其水西流注于河

又引司馬彪曰呂梁

在離石縣西今于縣西歷山尋河並無過垣至善無縣故城西南八十里河合一水西流歷呂梁之山乃爲河之巨險在離石北以東可

石勒記下

署石季龍爲車騎

二百餘里今彪志無此語

將軍率騎三萬討鮮卑鬱粥于離石俘獲牛馬十餘萬

鬱粥奔烏丸悉降其眾城北史齊神武紀爾朱北大掠

晉陽北保秀容分兵守險出入寇抄神武揚聲討之師

出止者數四兆意怠神武揣其歲首當宴會遣竇泰以

精騎馳之一日一夜行三百里神武以大軍繼之兆軍

人因宴休情忽見秦軍驚走追破之於赤洪嶺兆自縊

慕容紹宗以爾朱榮妻子及餘眾自保烏突城刊本誤為焉突

隋志太和縣後周置曰烏突及烏突郡開皇初改縣為太和元和志武德三年改太和為臨泉

平定

美稷

通典汾州隰城縣即改西河有美稷鄉漢美稷縣地按此恐誤以茲

氏之西河為漢之西河水經注河水又左得滴水口水出西河美

稷縣東南流漢冲帝時羌滴狐奴歸化蓋其渠帥俗亦

謂之為過波水南匈奴傳詔單于徙居美稷因使中郎將段彬及副校尉王郁留西河擁護之

為設官府從事掾史令西河長史歲將騎二千助中郎將衛護單于漢官儀使匈奴中郎將屯美稷晉書劉淵

記南單于入居西河美稷今離石左國城卽單于所居
庭按左國城當是其左部左賢王等所居非單于廷蓋
亦誤以魏置西河者當之

樂街

中陽

寰宇記曹魏移中陽于大原郡之茲氏水經注中陽縣

故城在離石縣東二翼汾水隔越重山不濱于河經云

南過中陽縣西故道元駁之按前志有土軍縣水經注

云吐京郡治故城卽土軍縣之故城也按此于後漢蓋
并入中陽縣元和志異州石樓縣理城

舉狼

疑卽春秋之東山舉落氏狼落聲轉耳

平周

平陸

隸釋續劉寬碑陰門生名有車騎將軍令史西河平陸

張戒

益蘭

園陰

通典銀州榆林縣漢園陰縣地以其在園水之陰隋置

今縣又麟州連谷銀城二縣漢園陰縣地

元和志銀川真鄉開光撫

甯三縣皆漢園陰縣地按元和志寰宇記皆作儒林縣通典誤爲榆林

水經注梁水出西

北梁谷東南流注園水園水又東逕園陰縣北苻堅記

鄧羌討劉衛辰擒之于木根山堅自驄馬城如朔方巡撫夷狄以衛辰爲夏陽公以統其眾元和志驄馬城卽銀州理城也周武帝保定二年分置銀州因谷爲名

蘭

園陽

其地當亦在銀麟二州志家概指其熟處耳按園陰園陽前志已

訛爲園王莽故改曰方陰方陽劉寬碑門生西河園陽田植則隸體皆作園字據通典所言則當作園

廣衍

五原郡

帝紀光武二十年省後復地形志朔州本漢五原郡延

和二年置爲鎮後改爲懷朔鎮

按通典所云朔州馬邑郡後魏于郡北置懷朔

鎮者也

又通典豐州九原郡漢屬五原郡漢五原郡城

在今勝州榆林郡界後漢末爲匈奴所沒遂爲荒弃隋

置豐州

通鑑太元元年劉衛辰殺秦五原太守而叛是符秦時經置五原郡

元和志中受

降城爲五原郡地開元十年于此城置安北大都護府

天寶八年移理橫塞軍

新唐志豐州中受降城元和九年宰相李吉甫奏修復舊城遠

史天德軍本中受降城

五原

通典漢五原縣城在今榆林郡界鹽州有五原縣非此也元和志敬本故城在中受降城四十里鄭虔軍錄曰

敬本城周一萬八百七十二步壕塹深峻亦古之堅守
賈耽古今述曰以地理求之前代九原郡城也南匈奴
傳當于骨都侯屯五原北史永興五年西幸五原校獵
于骨羅山獲獸十萬宗室傳儀封東平公命督屯田于
河北自五原至柰陽塞外分農稼大得人心慕容寶之
寇五原儀躡據朔方要其還路通鑑太元二十年燕主垂遣太子寶等率眾八
萬伐魏軍在五原降魏別部三萬餘家收稼田
百餘萬斛置黑城胡三省曰黑城在五原河北魏書道
武紀劉衛辰子直力鞬出柰陽塞侵及黑城

九原

一統志九原故城在吳喇砮旗西北通典豐州九原縣

漢舊縣隋初置今縣

元和志永徽四年重置其城周隋間俗謂之甘草城

水經注

河水東逕九原縣故城南西北接對一城蓋五原縣之

故城也其城南面長河背連山秦始皇逐匈奴並河以

東屬之陰山築亭障爲河上塞卽此山也

通典按史記蒙恬傳度河

據陰逶迤而北則秦氏得今安北都護之地而漢書主父偃上書曰蒙恬攻胡卻地千里終不踰河而北未詳兩史何爲不同然疑史記爲實

臨沃

一統志在故九原城東水經注石門水出石門障西北

趣光祿城城東北卽懷朔鎮城也水日障東南流逕臨

沃城東東南注于河河水又東逕稠陽縣故城南

通典麟州

銀城縣漢和陽塞在此漢光祿勳徐自為出五原塞數
百里築城障列亭至盧朐山即今縣北光祿塞晉太康
地志自北地郡自北行九百里得五原塞又北出九百
里得造陽即此按和帝紀永元元年度遼將軍鄧鴻出
和陽塞賢注在今勝州銀城縣界是勝麟二州相傳雖
止曰固陰縣地實亦五原郡和陽後漢蓋并入臨沃
元和志武川城今名里城遼史趙惠王置武川塞魏置
生神武川之新城即此按彼
謂魏置晉改者不知所出後魏六鎮從西第三鎮在

天德軍北三百里自北出石門障即光祿城右入匈奴
大路光祿城東北有懷朔古城其城即後魏六鎮從西
第二鎮在今中城界向化柵側近也寰宇記河自靈武
郡之西南便北流千餘里過九原郡乃東流時帝都在
秦故謂之西河即此處也其河自豐州東流千里在京

師直北漢書亦謂之北河乃西也

文國

河陰

武都

寰宇記以上漢縣俱在麟州銀城縣界

宜梁

一統志宜梁故城在吳喇忒旗北故九原城西水經河水東逕宜梁縣故城南闕翽曰五原西南六十里今世謂之石堡城通鑑太元十六年劉衛辰遣子直力鞬帥眾八九萬攻魏南部魏王珪引兵五六千人拒之王午

大破直力鞬于鐵岐山南乘勝追之戊子自五原金津
南濟河徑入衛辰國胡三省曰金津當在宜梁九原二縣間衛辰部落駭
亂珪直抵其所居悅拔城衛辰父子出走分遣諸將輕
騎追之將軍伊謂禽直力鞬于木根山衛辰爲其部下
所殺

成宜

一統志成宜故城在故九原城西水經注河水又東逕
成宜縣故城南寰宇記在麟州銀城縣界

西安陽

一統志在故九原城西陰山南水經注河水自朔方東

轉逕渠搜縣故城北又東逕西安縣故城南

史記音義曰五原安

陽縣北有馬陰山寰宇記安北大都護府北至陰山七十里至回紇界七百里在黃河北

雲中郡

通典單于大都護府雲中郡地龍朔三年置雲中都護府又移瀚海都護府于磧北二府以磧爲界麟德元年改雲中都護府爲單于大都護府元和志東受降城本漢雲中郡地在榆林縣東北八里今屬振武節度按漢雲中在今勝州治東北四十里榆林縣界雲中故城是也漢末大亂匈奴侵邊其城遂空

雲中

元和志漢雲中縣故城在勝州榆林縣東北四十里

其雲

州雲中縣則漢平城縣

水經注白渠水又西逕雲中宮南魏土地

曰雲中宮在雲中縣故城東四十里又西南逕雲中故城南虞氏記曰趙武侯自五原河曲築長城東至陰山又于河西造大城一箱崩不就乃改卜陰山河曲而禱焉晝見羣鵠遊于雲中徘徊經日見火光在其下卽于其處築城今雲中城是也宋書索虜傳晉初索頭種有數萬家在雲中通鑑太和元年燕下邳王厲破敕勒獲馬牛數萬頭虜兵過代地犯其稼田代王什翼犍怒燕平北將軍武強公瑩以幽州兵戍雲中什翼犍攻雲中

望奔城走振威將軍慕輿賀辛戰沒太元元年什翼犍
使白部獨孤部南禦秦兵皆不勝聞秦兵稍退還雲中
時秦兵尙在君子津諸子每夜執兵警衛初弟子斤失
賊怨望因說什翼犍之庶長子實君王將立慕容妃之
子欲先殺汝故頃來諸子每夜戎服遶帳伺便將發耳
實君信之遂殺諸弟并弑什翼犍諸子婦及部人奔告
秦軍秦李柔張蚝勒兵趨雲中部眾逃潰國中大亂執
實君及斤至長安車裂之北史太武始光三年車駕西
伐幸雲中臨君子津會天暴
寒數日冰合率輕騎襲
赫連昌徙萬餘家而還

咸陽

一統志咸陽故城在歸化城西水經注大河東逕咸陽縣南屈而流白渠水注之

箕陵

沙陵

一統沙陵故城在歸化城西水經注白渠水又西北逕沙陵縣故城南西注沙陵湖又有芒干水出塞外南逕鍾山山卽陰山通鑑太元十六年燕趙王麟破賀訥于赤城禽之

水經河水過沙陵縣西又南過赤城東

沙南

通典勝州榆林河濱二縣漢沙南縣地有故雲中城拂

雲堆金河紫塞河元和志厯魏晉周此地皆無縣邑隋
開皇七年置北近榆林卽漢之榆溪塞因名縣榆林關
在縣東南三十里水經注河水于沙南洞過二縣之間

濟有君子之名在雲中城西南二百餘里遼史西京大
同府懷仁縣

本漢沙南縣李克用敗赫連鐸駐兵于此遼改懷仁寰
宇記榆林城在榆林縣西北大葭蘆水在縣西二百二
十里小葭蘆水在縣西二百四十里其間地北史泰常
甚良沃金河泊在東北二十七里周迴十里

四年西巡至雲中踰白道北獵野馬于辱孤山至于黃

河從君子津西度大狩于薛林山太武始光四年詔執
金吾桓貸造橋于君

子
津

北
輿

一統志北興故城在歸化城西界遼史西京大同府懷

安縣本漢夷興縣地

按北興誤爲夷興

水經注芒干水東逕原

陽縣故城西與武泉水合水東出武泉縣之故城西南

南流西屈逕北興縣故城南又西南入芒干水芒干水

又西南逕白道南谷口谷口有城左右縈帶長城背山

面澤謂之白道城

北史齊神武紀住居白道南數有赤光紫氣之異

自城北出

有高阪謂之白道嶺沿路土穴出泉挹之不窮琴操云

飲馬長城窟始知信矣芒干水又西南逕雲中城北

按

氏所言地理皆是漢之雲中郡寰宇引白道泉于雲中雲中縣下非也既誤以白道泉爲雲州古蹟復誤以拓拔魏之代郡爲漢之代郡凡代郡之縣名俱臆列篇內先非也

魏書李崇傳北鎮破落汗拔陵反詔崇北討

崇至五原崔暹大敗于白道之北

武泉

一統志武泉故城在歸化城西界

原陽

一統志原陽故城在歸化城西

定襄

遼史朔州鄯陽縣本漢定襄縣地地形志永安郡定襄縣乃唐之忻州

縣非漢故縣北史天賜三年登定襄角史山永興五年南次

定襄大洛城東踰七嶺山田于善無州

成樂

遼史豐州振武縣本漢盛樂縣元和志東受降城在朔
州北三百五十里本漢之成樂縣後魏都成樂亦謂此
城按北史祿官分國爲三部一居代郡之參合陂北使
猗軻統之一居上谷北濡源西東接宇文部自統之一
居定襄之盛樂故城使猗盧統之祿官死猗盧遂總攝
三部爲一後城盛樂以爲北郡修故平城以爲南都又
東南百里于漂水之陽黃瓜堆築新平城謂之小平城
至翳槐複城樂城在故城東南十里至什翼犍立三年
移都雲中之盛樂宮四年築盛樂城于故城南八里通
鑑咸康六年代王什翼犍始都雲中之盛樂太元十一

年代王珪徙居定襄之盛樂詳史文或言雲中或言定襄蓋隨文言之有前漢後漢之異而盛樂實一也其城屢經改築則非漢故城拓拔之盛樂宮亦非一處故水經注云魏土地記雲中城東八十里有成樂城今雲中郡治地形志雲中郡領延民雲陽二縣一名石盧城白渠水又西逕魏雲中宮南酈氏又引郡國志成樂故屬定襄之語明盛樂則一所居之宮非一也元和志單于都護府領金河縣魏什翼犍所都盛樂之地此其一也又按北史盛樂爲山陵之所曰盛樂金陵永興三年車駕謁金陵于盛樂

武進

寰宇記武進縣故城在雲州東百四十里

定襄郡

帝紀建武十年省定襄郡徙其民于西河二十六年南單于入居雲中遣子入侍於是雲中五原朔方北地定襄鴈門上谷代八郡民歸于本上遣謁者分將弛刑補理城郭

善無

一統志善無故城在朔平府右玉縣南

地形志善無郡領善無沃陽二

縣

水經注中陵水又西北流逕善無縣故城西西北流

右會一水水東山下北俗謂之吐文水北流逕鋤亭南又西流逕土壁亭西出峽左入中陵水通鑑太元十年

鮮卑劉頭眷擊破賀蘭部于善無隆安二年魏主珪徙
六州二十二郡守宰豪傑二千家于代都東至代郡西
及善無南極陰館北盡參合皆爲畿內元興元年柔然
可汗社崙聞珪伐秦自參合陂侵魏至豺山及善無北
澤

桐過

一統志桐過故城在歸化城西南濱河遼史西京道德
州宣德縣本漢桐過縣地水經注河水南過桐過縣西
又東南左合一水水出契吳東山西逕故里南北俗謂
之契吳亭河水又南樹頽水注之

地形志神武郡領尖
山殊頽二縣殊頽卽

樹類
之異

武成

一統志武成故城在朔平府平魯縣西北塞外歸化城

西南

駱

一統志駱縣故城在朔平府平魯縣西北塞外魏書明

元記永興五年車駕次定襄大洛城東踰七嶺山田于

善無川大洛城應卽駱縣舊城

三年詔將軍東州侯尉古真統兵五千鎮西境

太洛
城

中陵

水經注中陵川出縣西南山下北俗謂之大洛真山中

陵縣故城俗謂之北右突城

地形志廣甯郡領石門中川二縣中川疑卽中陵故

縣以川名縣

鴈門郡

地形志建武十五年罷二十七年復按帝紀建武十五年徙鴈門代郡上谷三郡民置常關居庸關以東二十六年歸本土魏收志誤也寰宇記漢末匈奴侵邊其地荒廢魏文帝移鴈門郡南度勾注置度廣武地卽今州西故城也按魏志牽招傳招爲鴈門太守繕治陘北故上館城置屯戍以鎮內外郡所治廣武井水鹹苦招準

望地勢因山林之宜鑿原開渠注水城內民賴其益則
郡在魏時已內徙廣武陘北之地僅爲區脫也又魏書
序紀猗盧封代公以封邑去國懸遠從并州刺史劉琨
求勾陘北之地乃徙馬邑陰館樓煩繁峙崞五縣之民
于陘南更立城邑盡獻其地如彼文則陘北之地晉初
尙置縣與晉志所云黃初元年自陘嶺以北並弃之晉
因而不改之語又乖也

地形志有梁城繁峙二縣通典後魏于代州置梁城繁峙二郡

然地形志自別有雁門郡

陰館

遼史西京道應州金城縣河陰縣皆漢陰館縣地

寰宇記陰

館城今名下館城地形志水經注灤水出累頭山逕陰

鴈門郡原平縣有陰館城館縣故城西縣故樓煩鄉漢景帝後三年置魏皇興三

年齊平徙其民于縣立平齊郡南匈奴傳左南將軍屯

鴈門魏志牽招傳出爲鴈門太守郡在邊陲雖有候望

之備而寇抄不斷招旣教民戰陣又表復烏丸五百餘

家租調使備鞍馬遠遣偵候虜每犯塞勒兵逆擊來輒

摧破于是吏民膽氣日銳荒野無虞又構間離散使虜

更相猜疑繕治陜北故上館城置屯戍以鎮內外按上館城

疑卽陰館城寰宇記誤爲下館耳北史毘陵王順傳賀力眷等聚眾作

亂于陰館順討之不克乃從留官自白登南入繁峙故

城阻澤水爲固以甯人心道武善之

繁時

通典代州繁時縣漢舊縣淳沱河源出縣東南孤阜山

元和志泰戲山一名武夫山水經注灤水北流逕繁時

縣故城東又北逕巨魏亭東魏書劉庫仁傳將大舉以

兵次于繁時慕容文等夜率三部人攻庫仁

樓煩

寶字記樓煩縣故城在今代州崞縣東魏志青龍元年

保塞鮮卑步度根與軻比能私東通并州刺史畢軌表

輒出軍以外威比能內鎮步度根帝省表曰步度根已

爲比能所誘有自疑心今軌出軍適使二部驚合爲一
何所威鎮乎勅軌出軍慎勿過塞越勾注也比詔書到
軌已進軍陰館遣將軍蘇尙薰弼追鮮卑比能遣子將
千餘騎迎步度根部落與尙弼相遇戰于樓煩二將沒
步度根部落皆叛出塞

按縣之廢應
在魏黃初時

武州

一統志武州故城在朔平府左雲縣南遼史西京道武

州神武縣魏置晉改新城

按晉志無之後魏方置神武
郡此遼史之誤其武州則漢

武州

地形志代郡有武周縣

胡三省曰魏以平城爲代
郡地形志之代郡漢之鴈

門其上谷郡

乃漢之代郡

水經注十三州志曰武州縣在善無縣城

西南百五十里北俗謂之太羅城谷渾水又南與武川

水會北流逕武州縣故城西右合火山

元和志火山在雲州雲中縣西

五里西溪水山上有火井南北六十七步廣減尺許源深

不見底炎勢上升常若微雷發響以草釁之則煙騰火

發

北史天興二年以所獲高車鼠起鹿苑于南臺陰北拒長城東苞白登屬之西山廣輪數十里鑿渠引武

川水注之苑中疏爲三溝分流宮城內外

涅陶

方輿紀要涅陶廢縣在大同府應州西水經注桑乾枝水東流俗謂之南池池北對涅陶縣之故城南池水東北注桑乾水爲灤水灤水又東北逕石亭西皇魏天賜

三年之所經建也北史道武天賜三年幸代園山建五

石亭又登武要北原觀九十九泉造石亭遂之石謨

劇陽

按其地當在朔州鄯陽縣西王莽嘗改名善陽鄯陽縣

蓋本此

音志無劇陽縣然魏舒傳舒封劇陽子疑太水康地志本有而晉志脫漏也當屬新興郡

經注崞水北流逕劇陽縣故城西十三州志曰在陰館

縣東北百三里

崞

通典代州崞縣漢舊縣

地形志繁時郡有崞山縣寰宇記石門關在縣西北八十里

水經注崞川水南出崞縣故城南

北史眞君五年帝自河西至于馬邑獻于

嶠縣南面玄岳右背嶠山其水西出山謂之嶠口此嶠口又與舊唐書顏真卿傳李萼說卿云朝廷使程千里統眾十萬自太行東下將出嶠口爲賊所扼者不同彼嶠口

在相州西

平城

元和志雲州雲中縣本漢平城縣漢末大亂其地遂空

魏武帝又立平城縣屬新興郡後魏于此建都屬代尹

隋爲雲內縣

隋志後魏立平齊郡尋廢後齊改曰太平後周改曰雲中開皇初改爲雲內有白登

山武周山

水經注谷渾水右會羊水水出平城縣之西苑外

武州塞北出東轉逕燕昌城南東注渾水渾水又南分爲二水一水南屈逕平城縣故城南魏天興二年遷都

于此一水南逕白登山西今平城東十七里有臺卽白登臺也臺南對岡阜卽白登山也其水又南逕平城縣故城東北史天興元年遷都平城通鑑太元二十一年燕主垂留范陽王德守中山引兵密發踰青嶺經天門鑿山通道出魏不意直指雲中魏陳留公虔帥部落三萬餘家鎮平城垂至獵嶺以遼西王農高陽王隆爲前鋒軍至平城虔乃覺之帥麾下出戰敗死燕軍盡收其部落魏王珪震怖欲走諸部聞虔死皆有貳心珪不知所適垂之過參合陂也見積骸如山爲之設祭軍士皆慟哭聲震山谷垂慙憤嘔血由是發疾乘馬輿而進頓

平城西北三十里太子寶等聞之皆引還叛者奔告于
魏云垂已死與尸在軍魏王珪欲追之聞平城已沒乃
引還陰山垂在平城積十日疾轉篤乃築燕昌城而還
魏書泰常四年築宮于白登山

塢

馬邑

元和志朔州鄯陽本漢馬邑縣高齊于此置招遠縣大

業元年改爲鄯陽

按隋志大業初改曰善陽尋曰馬邑馬邑之名唐時地志皆不著當是武

德復爲善陽也

舊唐志朔州馬邑縣秦漢舊名久廢開元五年

分善陽縣于大同軍城置

寰宇記紇貢山冀州圖云在城東北三十里登之望桑乾

代郡數百內宛然夏恆積雪故彼人語
日紇真山頭凍死雀何不飛去生處樂水經注桑乾水

自源東南流右會馬邑川水水出馬邑西州俗謂之磨
川矣蓋狄語音訛其水東逕馬邑縣故城南東注桑乾
水魏志田豫傳鮮卑素利違盟出馬千匹與官爲比能
所攻求救于豫豫恐遂相兼并爲害滋深宜救善討惡
單將銳卒深入虜廷胡人眾多鈔截歸路豫去虜十餘
里結屯營多取牛馬糞然之從他道引去胡追豫到馬
城圍之十重豫密嚴使司馬建旌旗鳴鼓吹將步騎從
南門出胡人皆屬目往赴之豫將精銳自北門出鼓譟
俱發出虜不意皆弃弓馬步走追討二十餘里僵尸蔽

地牽招傳校尉田豫爲軻比能所圍于故馬邑城移招

求救并州以常憲禁招

蓋是時馬邑縣屬新興郡其招故縣已廢故常憲不得越界

以爲節將見圍不可拘于吏議自表輒行馳布羽檄稱

陳形勢云當西北掩卽虜家然後東行誅虜檄到豫軍

踴躍虜卽恐怖軍到故平城便皆潰走

按招爲雁門太守馬邑本是境

內故得救之而田豫傳作馬城馬城屬代郡又非并州所管是彼傳誤

魏書登國二年帝

親征劉顯于馬邑南追至彌澤大破之皇始元年大舉

討慕容寶勒軍四十餘萬南出馬邑踰于勾注旌旗絡

繹二千餘里鼓行而前民屋皆震

鹵城

按其地當在代州鴈門縣西劉昭引三國志曹操所鑿平虜渠于其下非也平虜渠在深州饒陽縣去此遠矣

廣武

通典代州鴈門縣漢廣武縣故城在西南

又有故平城縣後漢末平

城縣也

元和志代州唐林縣本漢廣武縣地勾注山一名

西陁山在鴈門縣西北三十里

寰宇記冀州圖云廣武縣城在勾注陁山口之

南二十里東陁關在郡南二十里西陁關在縣西北五十里

水經注桑乾水東南逕

黃瓜阜曲西又屈逕其堆南東南流逕桑乾郡北又東

北左台夏屋山水西北流逕故城北

寰宇記夏屋山在鴈門縣東北三十

里五所未詳也北史猗盧登平城西山觀望地勢乃更南

百里于灋水之陽黃瓜堆築新平城晉人謂之小平城

修于六修鎮之

水經注徐廣曰猗盧廢嫡子曰利孫于黃瓜堆者也

道武天興六

年行幸南平城

應即後漢末之平城

規度灋南夏屋山背黃瓜堆

將建新邑

原平

地形志鴈門郡治原平縣

劉昭注謂趙衰居原者此縣乃忘弃左傳溫原本為周邑

其荒謬如此

彊陰

一統志彊陰故城在太僕寺右翼牧廠

補

後人按說文派水起鴈門後人戍夫山

寰宇記秦戲山亦曰戍夫

山今日東北入海晉志鴈門郡有獲人縣以說文證之
派水山則後漢未嘗省彪志脫之

朔方郡

元和志後漢建武二十年罷二十七年復置按當云二十六年

靈帝末羌胡爲亂塞下皆空魏志青龍三年復置朔方

郡晉志無之蓋不久卽省石勒平朔方置朔州前書平郡當傳左遷朔方刺史師古曰武帝初置朔方郡別台刺史監之不在十三州之限建武十一年省朔方刺史入并州

臨戎

一統志臨戎故城在鄂爾多斯右翼後旗界內故朔方城西河向北流之東岸元和志豐州永豐縣本漢臨戎

舊地遼史豐州富民縣本漢臨戎縣水經注河水又北

逕臨戎縣故城西元朔五年立舊朔方郡治元和志北人謂之賀

葛真城

三封

通典夏州長澤縣漢三封縣元和志後魏于此置長澤

縣屬闡熙郡按地形志闡熙郡領山鹿新岡二縣無長澤縣隋志又云西魏置闡熙郡百井

成在縣南八十里勃勃與禿髮檀越處寰宇記胡洛鹽池在縣北

五十里周迴三十里按元和志作五百里晉書赫連記勃勃率騎二萬自楊

非至于支陽三百餘里殺傷萬餘人偃檀率眾追之勃

勃于陽武下陝鑿凌埋車以塞路勒眾逆擊大敗之殺

傷萬計斬其大將十人以爲京觀髑髏臺又勃勃率騎

二萬人高岡及于五井掠平涼襍胡

姚興記姚恢與赫連建戰于五井似

在平涼

朔方

一統志朔方故城在鄂爾多斯右翼後旗界內水經注

河水又東南逕朔方縣故城東北魏土地記曰縣有大

鹽池其鹽大而青白名曰青鹽池去平城宮千二百里

在新秦之中

元和志天寶元年麟州置新秦縣取漢舊縣

魏書敘紀猗盧使

弟子鬱律將騎二萬助劉琨攻劉虎屠其營落西走度

河窺居朔方

通鑑走居朔方肆盧川

鐵弗劉虎傳衛辰舉兵伐苻

堅堅遣其建節將軍鄧羌討擒之堅自至朔方

苻堅記擒衛辰

于木根山堅自馳馬城如朔方巡撫夷狄

以衛辰爲夏陽公統其部落衛辰

復附于堅什翼犍討衛辰大破之收其部落十六七衛

辰奔苻堅堅送還朔方遣兵戍之堅後以衛辰爲西單

于督攝河西雜類屯代來城

勃勃記以叱于阿利領將作大匠發嶺北夷夏十萬人

于湖方水北黑水之南營起都城勃勃自言朕方統一天下君臨萬邦可以統萬爲名乃蒸土築城錐入一寸卽殺作者

赫連昌旣僭位世祖西伐以輕騎一萬八而并築之

于濟河襲昌時冬至之日昌方宴饗王師奄到上下驚

擾車駕次于黑水去城三十餘里昌乃出戰世祖馳往

擊之昌退走入城未及閉門軍士乘勝入其西宮焚其

西門

通鑑元嘉三年內三郎豆代田帥眾乘勝入西宮焚其西門宮門閉代田踰宮垣而出

夜宿

城北明日分軍四出略居民殺獲數萬生口牛馬十數萬徙萬餘家而還後昌遣弟定與司空奚斤相持于長安世祖乘虛而伐濟君子津輕騎三萬倍道兼行羣臣咸諫曰統萬城堅非十日可拔今輕軍討之進不可克退無所資不若步軍攻具一時俱往世祖曰夫用兵之術攻城最下不得已而用之如其攻具一時俱往賊必懼而堅守若攻不時拔則食盡兵疲外無所掠非上策也朕以輕騎至其城下且羸師以誘之若得一戰擒之必矣所以然者軍士去家二千里復有黃河之難所謂

置之死地而後生也以是決戰則有餘攻城則不足遂行次于黑水分軍伏于深谷而以少眾至其城下昌將狄子玉來降說昌使人追其弟定定曰城旣堅峻未可攻拔待擒斤等然後徐往內外擊之何有不濟昌以爲然世祖惡之退居城北示昌以弱遣永昌王健及娥清等分騎五千西掠居民會居民負罪亡入昌城言官軍糧盡士卒食菜輜重在後步兵未至擊之爲便昌信其言引眾出城步騎三萬司徒長孫翰等言昌步陣難陷宜避其鋒世祖曰不然遠來求賊恐其不出今避而不擊彼奮我弱非計也遂收軍僞北引而疲之昌以爲退

鼓譟而前舒陳爲翼行五六里世祖衝之賊陳不動稍復前行會有風起方術宦者勸世祖更待後日崔浩叱之世祖乃分騎爲左右以擣之世祖壓馬賊已逼接世祖騰馬刺殺其尙書斛黎文又殺騎賊十餘人流矢中掌奮擊不輟昌軍大潰不及入城奔于上邽遂克其城沃野

元和志沃野故城在豐州天德軍城北六十里後魏時

六鎮從東第一鎮也

地形志東夏州徧城郡領沃野縣按魏沃野鎮應漢沃野縣又

西受降城在豐州西北八十里蓋漢朔方郡臨河縣故理處開元初爲河所壞至開元十年總管張說于故城

東別置新城自後頻爲河水所侵至元和八年春黃河
泛溢城南面毀壞轉多防禦使周懷義上表請修築約
當錢二十一萬貫中書侍郎平章事李吉甫密陳便宜
以西城費用又難施功請修天德舊城以安軍鎮北史
正光
五年沃野鎮人破六韓拔
陵反聚眾殺鎮將號爲王

廣牧

元和志豐州九原縣本漢之廣牧舊地其城周隋間俗
謂之甘草城遼史西京大同府天成
縣魏道武帝置廣牧縣水經注河水自臨
河縣東逕陽山南北河又南合南河東逕臨戎縣故城
北又東逕臨河縣又東逕廣牧縣故城北東部都尉治

逕流二百許里東會于河

通鑑建興四年劉琨討石勒命箕澹帥步騎三萬爲前驅

琨屯廣牧爲之聲援胡三省曰漢末省朔方置廣牧縣于涇南屬新興郡非漢廣牧故地

大城

後漢書疏證卷二十八

浙江書局刊

鄒寶德校

高培森校

吳士鎔校